

地 280.465
39.1
:4

外紀	夷歌	藝文
跋	雜識	記 跋 稟 詩
四		

冕甯縣志第四冊

冕甯縣志卷十二

蓬州李昭朗如纂輯

受業陳志一起然梓
賡陸硯雲校



藝文志

藝文記 跋 彙 詩

蜀中藝文志以升菴先生選本為最著體例精
嚴搜羅宏富固不待言其中若司馬長卿之諭
巴蜀檄王子淵之九懷揚子雲左太沖之蜀都
賦以及王楊李杜蘇黃范陸諸君子之詩詞記

冕甯縣志卷十二

藝文

藝文

序任舉一篇皆足以開拓心胸推倒豪傑他處
省志尚難媲美况邊隅藁爾更何足言藝文不
知渝舞巴歌民情可見蜀絃隴曲樂府並傳邑
乘之所以重豈必借資於古人哉凡一文一詩
有關於邑之利病沿革者彙而載之無不可驗
政治觀風俗焉志藝文
記

重脩縣城記

直隸靜海縣舉人 知縣 宋恒山 崇臨

縣之有城池

禦侵陵防宵小衛一城之

人即以衛四境之人也臺登城池創自明永樂

間永樂四年指揮李信建

迄今將五百歲風饕雨蝕頽廢

殊多前任雖屢議培脩皆以工鉅費繁而止或

稍為補苴而止予於壬子嘉平履任見其坍塌

數處竟成坦途四圍女牆垛口無一存者既不

足以防宵小又奚足以禦侵陵亟欲鳩工庀材

但恐民力未暇迨次年秋後四穀豐盈民氣和

昆甯縣志卷十二

藝文

重修縣城記

二

樂迺會廣文李君朗如詳悉籌畫召集士民商

賈共議脩築之資莫不異口同聲輕財若籥未

及旬月得錢五千六百餘緡以瘠區而好義若

斯予不禁喜出望外於是因天時培地勢聚人

役儲物料選學中董事六人

李先黃陳學會陸啟杰朱必選鄧興

邦陳總理而分督之炙日餐風同操鑿鼓持籌

握算並舉鞞章予為遇事指陳隨時稽察令其

逐段脩砌下石上磚務求中堅不徒外飾傾者

築之缺者補之卑者增而高之斜者拆而正之
雉堞亦上磚下石一律整齊城門城樓俱經葺
治並於四面月城添置重門俾臻嚴密計用土
工一萬用石七百六十餘丈磚十六萬三千五
百餘塊灰六十五萬五千餘斤木鐵諸工稱是
舉凡物價工價均係市買平雇一切浮費全行
裁革除經理工匠催收捐款各書役飯食等費
由予捐給董事等酒食之需由諸生自備外共

用錢四千七百緡有奇肇功於癸丑年九月至
甲寅六月而工竣雖不敢謂崇宏壯麗堪擬百
雉之都而形勢之完整規模之堅實亦庶足固
吾封守不至空費民財矣當是時也正值東南
軍興當事派民津貼每地丁銀一兩加津貼一
兩因將城工餘錢代民完納將來秋後征糧不
令再出津貼是又以民間既出之錢為民免稅
畝之累也觀成之日衆咸歸功於予予何功之

有哉捐貲者有功則衆士民之力監脩者有功則李廣文及各董事之力予惟願歲稔時和漢夷綏靖長享太平之福共登仁壽之天一城之人安四境之人皆安是則守土者之厚望焉耳
銘曰

易稱設險禮重築城自古在昔召伯有成維茲冕城久就頽廢鼠竊易滋狼煙可畏迺謀脩葺僉曰宜哉布金捐粟奔走偕來築之登

冕甯縣志卷十二

藝文

重修縣城記

四

登約之閣閣既堅既好實壙實壑落成之日夏雨微涼乘圍而望我田既臧民保於城城保於德福庇我民允臻其極

創築瀘沽城記

順慶府蓬州舉人

教諭

李

昭朗如

瀘沽上通越巂下達建昌為冕邑之屏藩實鎮防之鎖鑰且瓦窰瓦廠逼近夷巢馬鞍馬腰潛滋醜類今年夏秋之際猺夷肆逆將靖遠所屬八汛地方焚掠殆徧豕突狼奔有直犯瀘沽之

勢幸我 郡伯德公問樵於甲寅秋間札令前
尹宋君紫臨在觀音岩脩孫水關一座有以遏
賊之鋒使之不能飛渡然逆夷猖獗終欲逞志
於瀘沽由桃源鄧家灣攻撲者數次由石莊沙
溝營攻撲者數次當是時烽火沸騰日聞警報
老弱奔避不遑啟居此地所存惟空空屋舍而
已 公聞之惻然軫念以為瀘沽無城則不守
瀘沽不守則建城冕邑均失保障害將有不可

冕甯縣志卷十二

藝文

瀘沽脩城記

五

勝言者乃飛檄來冕令昭勸脩城堡昭馳諭該
處士庶即日踴躍興工而 公之心猶恐民力
不給也復捐清俸一百五十金以為之倡適

已侯李君相如巡防於其地一切經營相度之
宜口講而指授之由是富者輕於財貧者勇於
力董事等亦親操量鼓不避怨勞計時未及五
旬遂已成茲壯麗夷氛從此頓息不敢復萌窺
伺之心民之散於四方者咸歸其居而安其業

仍享太平之樂矣計東街南街共為一城長四百八十六丈北街城長四百四十五丈上西街城長一百一十九丈下西街城長二百二十五丈高各一丈二尺厚六尺沿城鑿濠廣狹隨其地勢遙而望之若重岡複嶺之交縈焉俯而臨之若峭壁層崖之懸絕焉其東南則高凌鐵廠平視松林與相嶺以爭雄共瞻山而並峙其西北則城連關索地接巴姑梳妝臺之風月澄清

臨甯縣志卷十二

藝文

瀘沽脩城記

六

天王廟之雲煙繚繞其中貫以孫水其旁帶以長河激濁揚清波瀾壯闊試攬山川之形勝為想創建之規模轉危為安於此可見此外若馬房溝松林場俱近夷巢宜脩城堡一經傳宣公意罔弗樂言勸功雖城之大小不同要皆足禦災捍患是豈昭勸諭之力哉蓋由公念切保民事事實心實政邑侯於籌餉籌防之際復有以鼓舞乎羣情故令下如流水之源即城

成如磐石之固也茲值落成特敘休烈載諸貞石用抒民樂之忱云銘曰

瀘沽舊縣大笮遺區高陽之里昌意之都山環越魯水帶長瀘屏藩邛部控制邊隅 蠢爾倮夷肆行兇慝如鳥有鴞似苗之騰蟻聚鴟張鯨吞蠶食擾我瀘人不得安息 郡伯邑侯經之營之命築我城命鑿我池民財樂助民力忘疲實墉實壑孔惠孔時 列幕連營深溝高壘粉

冕甯縣志卷十二

藝文

瀘沽脩城記

七

堞暈飛麗譙鵠起內靜貔貅外懾狐豕民保於城人歸如市 昔無藩籬夷肆侵欺今扼其吭

寇不敢窺昔避逆氛瑣尾流離今安其室春臺熙熙 不戰而威惟城之依不勞而理惟城是恃惠澤在民勤勞在國毋壞於成以詔來哲

補脩文廟記

李 昭

蓋聞聖人之德至大蕩蕩難名夫子之道雖高孳孳可及是以文翁造士首謁頻宮祖禹與賢

先脩黌序臨雍而講禮義漢帝仰止於先師適魯而觀廟堂史遷低回於至聖自來化民成俗未有不加意學宮者冕邑星分并絡地接邛池雪嶺雲峯山雄而秀長河小海水清且漣帝子城邊昌意之提封尚在孫原橋上相如之遺蹟猶存里號高陽八愷同稱才子嶺名小相百蠻共仰天威舊志所謂勲業銘鼎彝文章炳金石者非耶况夫近年以來人才日盛窮經者擷其

冕甯縣志卷十二

藝文

脩文廟記

八

實摘藻者揚其華余每逢校藝之餘閒見多士學脩之並懋福清長阜四鄉饒杞梓之材

冕邑城外

分四鄉福鄉清鄉長鄉阜鄉城內分兩區西區北區東南區

西北東南兩區半璠璣之器

冕邑

凡此人文之炳蔚端由聖教之

昌明惟是廟貌久閤星霜土木難禁風雨大成殿上穿漏已多崇聖祠中摧頽更甚兩廡則規模卑庫重垣則塗墍銷沈既無以安神居又奚以培士氣首事等爰鳩良匠爰筮吉辰高其闕

闕新其棟宇振其鳳麟之采增其丹漆之華合
八窗八閤以程功聚五雉五材而効技於是千
椽交映百堵皆興星拱已暗而復明虹梁將落
而更振苞矣茂矣輪焉奐焉是役也經始於甲
寅歲孟冬之月至乙卯仲秋落成從此采藻掇
芹樂從公於泮水升堂入室儼承教於尼山體
制益崇觀瞻倍肅諸生習禮應聞金石絲竹之
聲多士舒翹定占風虎雲龍之盛敬為銘曰

冕甯縣志卷十二

藝文

脩文廟記

九

祥稽麟紱錄溯水精日準月角玉振金聲高山
共仰砥道成遵大哉孔子文武聖神 多識多
聞先知先覺贊易刪詩訂禮正樂四壁金絲千
秋木鐸夫子之文日星河嶽 雙相之圃費邱
之都三終圍解兩觀伏誅計違司馬禮折犁鉏
夫子之武樽俎簋胡 抱義戴仁達天知命恭
儉溫良文行忠信育夏甄殷鑄顏淑孟展也大
成是謂至聖 朝廷侃侃鄉黨恂恂可仕可止

匪仔匪清從心所欲用晦而明其猶龍乎是之
謂神 設奠兩楹薦馨萬世庚子陳經春秋定
制儀式杏壇禮隆槐肆凡在膠庠罔敢失墜
臺登舊治大笮遺疆夙有殿宇敬効裸將一泓
泮水數仞宮牆風摧雨蝕歲久月長 迺議增
脩道符靈兆桂棟霞舒蘭楣雲繞香發圖書輝
生芹茆宗廟百官孰窺其好 皮弁以祭章甫
如臨譽髦濟濟俎豆莘莘緇帷曉闢文席宵陳
之景行行止

冕甯縣志卷十二

藝文

脩文廟記

十

依稀模範想像風塵 世有變遷道無殊旨東
魯匪遙北辰可企巍乎蕩乎高矣美矣心嚮往
之景行行止

新建風雨神祠記

署知縣 浙江臨海舉人

洪瞻陛

雨癖

建南舊稱漏天而冕甯尤多風雨風之發也震
撼山谷林木怒號往往星月滿天纖雲無迹而
大塊噫氣盤空鼓盪較諸濱海之颶母更暴待
夏令至風靜則雨來或滂沱騎月或霹靂連旬

甚則暑燄方張頃刻陰霾四塞而冰雹隨之待
冬令至雨息而風又來人皆以為山多靈怪所
祟余謂不然天地之氣通於山澤陰入陽界降
而為雨陰被陽縛散而為風冕邑左控涼山右
扼旄牛兩山橫亘不可以里計高聳不可以仞
數治適逼處其間懸崖邃壑之底陽氣常不足
陰氣常有餘二陵多風雨地勢使然也然風與
雨皆有神焉以司之稱伯稱師其來久矣苟無

冕甯縣志卷十二

藝文

風雨詞記

十一

以妥其神則失所憑依欲望免災降祥庸可得
乎因於上聖觀之前捐俸建祠三楹合祠其主
復籌款供春秋牲醴之需朔望升香並許城鄉
黎庶歲時報賽以抒誠敬祠成秋大熟四境多
一莖雨穗三穗之禾咸稱瑞應從此轉變為和
風為甘雨屢慶豐年則神之福我士民功當不
朽而此祠亦可以不朽也茲率文武同僚虔申
祭告作迎神送神之曲其詞曰

神之來兮雲冥冥冕山突兀瀘水青龍笙虎瑟
迎鸞輶靈旗閃爍請少停連村社鼓薦飶馨
神之去兮天蒼茫箕前畢後騰祥光塵清氣爽
陰霧藏嘉禾挺秀報豐穰民之樂兮神降康

新建龍神祠記

浙江錢塘縣副榜

知縣許第

龍神祠載在祀典冕邑簡陋蓋闕如焉余以丁
巳秋奉檄來權縣事適逢時祭之期禮胥抱牘
以請取而閱之乾隆四十五年前令辛君創祀

冕甯縣志卷十二

藝文

龍神祠記

十二

和尚沖龍神之卷也其略曰縣境僻處蠻荒土
瘠民貧日形凋瘵訪諸耆老僉以禾稼登而風
雹作究其由來出自小海無能禦之辛君慨然
曰是厲吾百姓也烏乎可吾將祭之享吾祭歲
舉春秋之祀不享吾祭奉宣

大威操強弓毒矢以從事祭後得無患踵行迄今毋
敢息廢涓吉屆期齋沐肅衣冠以往則簾棚葦
幄掃地結壇甚非敬神之道余因復虔以禱之

如雨暘時若大獲有年當建立祠宇以妥神之
靈歷戊己兩載克蒙昭佑不爽乃即於其址鳩
工庀材邑之士民以及番夷之衆踴躍爭赴不
十旬而落成或曰侯之澤民也深矣請刻石傳
之俾冕人感戴永永無極余曰唯唯否否不然
此前令辛君之遺非余之所創也因也有創必
有因特余之因有似乎創耳然歲脩之費常住
之資尚多未備猶有待以贊其成也若歸德於

冕甯縣志卷十二

藝文

龍神祠記

十三

余則余豈敢

重脩臺登書院記

直隸任縣進士 徐連

連

三代盛時鄉國莫不有學所以風俗淳美無犯
禮非義之事秦漢而後興廢不一而斯道漸推
漸著其成效可睹也我

朝

聖聖相承重熙累洽雖山陬海澨皆知嚮學冕邑書
院由來已久予於嘉慶己卯恭膺

簡命來宰斯邑下車謁廟後旋詣書院見諸生多秀
而文可加造就第牆廡卑庠屋宇淺隘不足以
容多士公事稍閒卽倡捐廉俸與學博胡君邑
尉李君及紳士等悉心籌畫皆欣然同志樂勦
厥成恐費資不足又廣募本邑好義者畧可藉
手於是購基地庀良材督良工經始於嘉慶庚
辰落成於道光癸未約費白金數百兩有奇是
役也凡講堂兩廂及門窗寢室俱整以潔肄業

第甯縣志卷十二

藝文

脩書院記

十四

其間者不患寒暑不畏燥溼矣豈可處明敞之
所不朝夕黽勉以精研義理為斯邑出類拔萃
之士乎夫士必立品而後文成文必實大而後
聲遠諸生既有爽塏以居身又得明師以範志
當飭己自脩毋徒外飾儒雅之名而內少誠篤
之學果能刻意進脩由庠序而漸躋清要為
國家有用之材則不但為斯邑出類拔萃之士已
也予近遷首邑於諸生必時有風聞其各思效

行脩文蒸蒸日上庶不負數年改建之心也夫
是為記

創脩試院記

李昭

州縣皆有考棚以為校士之所冕甯獨無每遇
試期諸童露處於縣署大堂外各備考案坐具
交卷時復攜之以出否則為無行者攘去肩有
荷手有挈已極疲勞一值雨雪無可障蔽情形
尤為困頓蓋因陋就簡已百餘年矣戊申秋予

冕甯縣志卷十二

藝文

脩試院記

十五

秉鐸是邦邑侯沈君竹秋以城中斗市經理不
得其人歲除繳公之項餘息徒飽私橐屬於學
中擇公正之士董理其事予以朱生必選鄧生
與邦對自次年開春始月繳公錢二十千外所
得餘息纖毫無隱至是年冬共存積錢三百餘
千文兩生於是建議創脩考棚得地於縣署西
偏廣輪十畝許北上為衡文堂五間兩廊號舍
各六間窗戶軒豁几案具備其南儀門一座又

號舍兩間再南為頭門翼以樂樓周迴牆垣高峻足資關防於庚戌四月杪工竣五月初一即逢試士令典連場霖雨多士安坐於其中頌德者鼓舞歡欣今昔之改觀如是計土木瓦石各工共費錢一千緡除前存積外不敷之數悉由兩生墊給仍由斗息項下陸續歸結從此渠渠夏屋大庇單寒雖非廣廈萬間實勝少陵虛願在童軍對茲爽塏愈當爭自濯磨蔚起人文有

冕甯縣志卷十二

藝文

脩試院記

十六

可預券者是則兩生拳拳為善之心也亦即邑侯與余殷殷屬望之意也時道光三十年十月

十二日記

重脩冕山丞署並建義學記

縣丞監生

王至權

容府江蘇

冕山縣丞舊駐瓦尾所以撫戢夷番也在前事蹟類不可考嗣於康熙七年改移冕山有緝捕相驗遞解人犯摺報銅斤稽查地方之責官解即已裁遊擊舊署歷年既久盡行傾圮乾隆戊

辰前署任丞方汝珪重脩堂廨借庇風雨額其
廳事曰作新載之以序前任羅丞戴丞又復建
脩衙祠添置卡禁規模亦僅粗具焉八十年來
半皆坍塌實緣地瘠民貧百姓素無供役之事
厯斯任者閒曹薄俸謀食不遑又無雜款可以
攤脩一任因循日形頹敗迨至嘉慶癸酉當巡
閱之期現任制府前任甯遠府戴捐資復脩以
備大府出入行臺尖宿之所自外轅以至內堂

冕甯縣志卷十二

藝文

冕山丞署記

十七

層次備具規模宏敞居然壯觀由是大府巡閱
學使按臨以及道府兩憲出入皆資尖宿於此
而後之膺斯任者遂借棲遲無虞湫隘一舉而
兩得焉前任丞華炳耀捐俸採料就衙神祠前
建脩文昌閣閣下建戲樓一復因西旁隙地置
客廳一方亭一依地勢之高低疏泉築廊疊山
鑿池栽植花木頗資娛覽雖小有結構實備極
經營矣權莅斯任於茲四年擇其廢敗遺缺者

又從而次第捐脩之如聽事堂頭門鋪以碑石
衙神祠復加圻墁壯觀瞻而昭虔祀也捐廉置
買文昌閣下鋪屋三間作為義學延師課教民
間子弟置典水田八十四邱招佃取租以為束
脩之費詳憲立案用垂久遠育人材而勵文風
也更於安樂泉之下流置板屋數椽三堂則仍
其舊而添置窗櫺聊取明爽借居息以資起坐
也名其堂曰從正以自勵也客廳曰邀月半舫

冕甯縣志卷十二

藝文

冕山丞署記

十八

象形而名之也西偏書屋曰飲泉書屋就實情
以明意也他如方亭曰觀魚榭三堂曰聽水閣
皆以所聞所見之景名也安樂泉書序而勒之
以石幕前哲而垂永久也各繫之以詩曰冕山
丞署八詠凡此皆所以追誌前哲經營之苦心
貽愛之美意不使日就湮沒非敢崇飾增華雕
蟲獻技也夫冕山當衝要之途非膏沃之地官
無囊積民鮮蓋藏有其廢者不易興既已興之

以其廢所願後之莅斯任者思前此鳩工庀材
之難從而脩葺之維持於不敝擇後此之力能
勝任而利於民者更從而擴充之開盛於方來
俾垂久遠而無碎瓦頽垣之歎是則權記志之
苦衷而深望於後賢者也是為記

脩城濠序

重慶府江津縣舉人 教諭 李廷楷 端臣

城之有濠猶室之有垣也冕志載縣城周六里
四十八步歷經補脩今尚鞏固惟載濠闊二丈

冕甯縣志卷十二

藝文 濠溝

二十八

許年久漸致填塞同治紀元冬髮逆過江李明
府汝湘爰商濬濠一事十二月既望度丈尺既
缺公費與力役復渺無舊溝可循程功豈易事
哉其始典史吳君榛奉檄開挖越數日楷聞賊
近鄰邑告急思在江津曾督濠務遂以監脩為
已任見濠下富者倩工自代貧者乏食婦女多
枵腹者周巡後心為惻然晚歸夜不成寐思賑
無策乃請李明府捐米五石楷亦勉捐學米並

勸紳糧統計二十五石日臨濠督工拊循貧民
日給升米而領哨馬君之驥武生吳三益又於
四門各捐一日米更加鼓勵焉於是民心踴躍
至二年春米發畢而濠功亦竣量寬二丈深一
丈五尺二月朔髮逆先鋒六七萬已到瀘沽石
龍橋聞新脩城濠遂未敢逼折由晃山去未幾
髮逆中隊漸抵建城李明府又囑楷督理濠水
關關木板至濠邊設梅花樁布棘茨則明府與

王君霖馬君之驥之力為多三月下旬逆首石
達開者領四萬眾復繞晃城河東向大橋小道
而出旋困於紫打地全軍覆沒其不敢回竄者
未必非此濠之功也噫兩次賊臨李明府王君
霖馬君之驥吳君榛外委胡君明遠楊君耀先
及楷與閣城紳糧等查街登陴不分晝夜協力
同心數十餘日守城固屬嚴緊而有濠更恃以
無恐此後如經年久遠沙水易致填塞又望守

士考再行經理焉 時

同治二年九月邑教諭李廷楷序

冕甯縣志卷十二

藝文

濠溝

中十九

泮池流水

邑歲貢 羅文星 菊圃

潑潑天機活盈科在泮池日光沈瑪瑙雲影湛
玻璃荷藻風牽處菁莪雨化時源頭通學海載
詠辟雍詩

蕭寺寒燈

夜靜南山寺寒燈破寂寥綠穿松裏徑紅照水
邊橋佛火明三界星光點九霄老僧宣梵唄相
對意蕭蕭

移脩試院記

知縣 呂 輝 斐卿

川省各郡縣類有考棚所以體需士子冬無霜雪之苦夏無風日之煩者法至善也甯遠僻處西隅地極寒苦除郡城試院以備學使按臨之需外則各州縣皆無之而冕甯更為極苦益難成此善舉前任令沈縣試各士子負几攜爨露處風日中憫之爰即署右偏之西嶽廟改而創焉規模狹隘又近園扉愈謂不利於文士久議

冕甯縣志卷十二

藝文試院記

又中十九

另謀善地更脩未遑也余丙寅夏來撫斯土籍居其中見夫霪雨滲漏水與階平號舍下足不可立詢之紳耆皆稱久有另議吾父母其倡斯舉乎乃集鄉區各士倡捐營脩得張趙李三姓地約四畝許構料鳩工計十閱月而工竣共用錢肆千壹百叁拾餘千西偏並餘隙地租與作圃者既便啟閉又可收息以為歷年續脩之用落成規模壯麗氣象崢嶸將卓犖羣英先後輩

出不負培植之至意者是余小子之厚望也所
有捐助各士另碑刊列以彰善舉茲不具贅

新脩冕甯縣南定寺記

呂一輝

冕甯為古郤國高陽氏降生是墟治南三里即
郤水也據綱目註郤水在今雅州屬之滎經縣
世遠年湮考稽難詳前漢故為西南夷住牧自
相如橋孫水以諭蜀始通中國逮後為越雋郡
治蜀漢丞相武鄉侯平獠實出此邑東之馬安

冕甯縣志卷十二

藝文南定寺記

二中十九

山有孟獲城相傳為侯擒獲處云然古帝降祥
實為靈地名臣邁績亦屬名邦小子同治丙寅
盛夏來撫此土攷厥載籍祀典缺然心竊憾焉
聞之祀典不脩守土者之責也政暇延訪耆艾
稱邑之陽有南屏山土人呼為觀音岩者嚮為
閭邑保障前邑令洪公久議修塔旋因解任踵
阻夷亂不果乃約紳耆父老躋其巔勘其地見
夫山勢由西南蜿蜒而來起伏迴環拱抱邑城

至都水長甯河之交截然而止其上約三里許
平如砥焉嗚呼天下之山川崗阜形勢之奇怪
險爽真有以待後人為補乎造化之缺此所以
人不天不因天不人不成非獨治亂興衰之理
為然即一木一石亦若有運數以限之者詳考
通志邑為前明甯番番衛雍正七年岳威信公始
奏改設縣邑南五里山上有武侯城今廢噫其
斯地耶爰謀諸紳民議脩祠事僉口稱善乃倡
議捐貲鳩工構料起丁卯冬朔訖戊辰腊杪計
終歲而工竣上闕三楹為高陽之廟前裝五楹
為武鄉侯之祠以漢越雋太守張公嶷唐節度
使李公德裕明大將軍劉公縱

國朝威信公岳公鍾琪配高殿前翼以兩廡以作春
秋祀事官吏齋宿之所廡前建以凌雲之塔如
洪公遺言以培閣邑士風壯以戶而圍以垣樹
之松而繞之栢且喜數百年缺然之祀典得以

脩洪公之遺願得以償將文運宏開賢俊輩出
為碩儒為名臣以輔我

國家之盛治於不窮不惟小子之幸抑閭邑士民之
德也祠宇告成適夷亂平焉名之曰南定寺至
於功德各主另碑臚列茲不多贅

冕甯縣志卷十二

藝文南定寺記

四中十九

鹽井溝高士橋記

湖南甯鄉舉人

周宏濂

蓮莊

橋有碑示後也溯水道之源流誌地里之衝要
衡程工紀廣狹度經費著姓名主脩特書之捐

冕甯縣志卷十二

藝文

高士橋記

十九

募旁及之或以地名或以水名或為義舉或為
功德間額一二字以新之碑之有名大率類是
甲子蒲月中旬余有事於瀘道邑中張外翰士
弼來謁余固稔其為人逾七十載未嘗一履公
門而又好行其德鄉里愛敬羣奉為長厚善人
者因樂與見見以鹽井溝橋碑請止欲為橋題
名不欲為脩橋者紀筆余遂不載其程工若何
經費若何為義舉否為功德否夫竭一己之貲

而供萬姓之渡雖水無迅湍懸流橋非長虹卧
月而濟人利涉其功一也乃好善而不名其善
有功而不伐其功品誼殆高人一等哉取高士
以壽之蓋亦有合於古之長厚善人云爾處層
巒疊嶂之鄉絕澗斷溪在在皆是誠能慕高士
風誰其歎無渡者

脩通惠橋記

即南河橋

漢軍進士

知縣 綸 碩 農

縣城南河古白沙江即若水也通志稱為瀘水

白地甯縣志卷十二

藝文

南河橋記

二十

冬春之交水淺涸沙石澼澼積入夏谿谷奔注
洪濤射灘若怒雷騰馬人莫能控御以橫船渡
掣之去不畱頃刻岸闊數十丈率嚙崩缺設無
飛梁以濟曷由通行旅而惠居民漢書云相如
橋孫水通西南夷孫水今小相嶺至瀘沽峽之
水會於白沙江者也其水不可行舟故用橋渡
所謂萬甯橋者是其地矣而橫跨於兩水之委
則瀘沽橋鞏固稱最餘半無橋沒股而屬有架

獨木作略狃施之僻鄉碎梁未足為通途式邑
治往來者日千萬計故有木梁一道寬不逾三
尺歷年久木朽腐缺脫以百丈之岸湍悍之水
而用危聳之獨木架閣與舞絙何異余往返慄
慄危懼有騎而墮斃者客商褰裳聯臂濡首是
虞余病馬召城中客尸計之僉謂為急務當脩
然須築壩以禦衝闊寬以利行轟欄以衛生計
壯實卻靡麗庶乎經時日無患於頽傾余聽其

冕甯縣志卷十二

藝文

南河橋記

二十一

言委之勸募城內居人咸踴躍樂捐數日得錢
若干益以公項於是伐山取材鳩匠啟工始於
三月七日歲於二十六日而橋工告成請余往
視甫近江干長虹蜿蜒陡落天半高欄齒齒望
無盡際登橋憑欄東極峽口西顧旄牛田廬竹
樹繡錯綺交畢會於橋而柱如砥欄如壁壘如
城板厚如石平如掌履之登登足穩而目不眩
微獨背負馱載免於傾危濡涉之苦雖乘輿

馬適康莊而忘其為大江橋也嘻亦壯矣哉夫
十月成梁王政所重此在尋常河流猶然而况
乎名江巨波通途縣治非方舟小荷可渡者聽
其朽毀而不以為病是誰之過歟然方其閣片
板而支孤木幾絕鞋蹠之跡議者多謂事未易
集及諸人發始勸脩成不終日而寬闊渾壯逾
於夙昔商賈人民樂適此邦而罔患於艱阻巍
然與萬甯瀘沽兩橋並峙同濟何其利之大也

冕甯縣志卷十二

藝文

南河橋記

二十二

非勸善好施同心惠濟惡能易易成功哉余甚
嘉之樂為記其事對建二坊額之曰通惠橋更
囑以餘力補脩象山橋益足以廣善云

重脩瀘沽安甯橋記

書 綸

夫析木為津天梁亘於銀漢鋪沙作渡地利固
乎金湯故路達四方梁成十月重申甲令曷已
辛勤賢有司誠思滅頂之虞俾失褰裳之苦竈
鼉高架烏鵲爭填廣治隄荷罔遺畧徇豈其煩

費邨氓焜煌逆旅抑以梯棧鉤連躡屩易踰翠
嶠浪湍奔激踡波難度洪濤矧灘喧節度之礮
水齧押衙之磧魚復猶堪舟濟虎頭莫得舸蜚
詠一葦於河干臨流齧舌繫雙壺於腰畔向若
怦心衡情量勢需脩於橋孔棘矣縣東南瀘沽
河志所稱安甯河是也尾閘鮮若吞納呷瓜紅
水西傾孫原南注杯勺胥萃溝滄斯鍾縈關索
之故城抱梳妝之高榭鎖鑰符邛之戶咽喉番

冕甯縣志卷十二

藝文

瀘沽橋記

二十三

猓之區自唐設縣治今為衝途商賈梯來民居
輻輳檐聯街錯羽振鱗差萬足回焱壬庶從而
往返千蹠競日庚郵藉以驅馳微鞏固其輿梁
難道達其疆里舊有巨橋一道長三十丈寬一
丈餘波蟠末雨之龍岸舉當星之鳥載稽方志
初建無徵爰問康莊利行攸賴無如祀年遐歷
風雨時侵蛇蛻松桴龜開梧板壘賊衝流而阢
隄長桁載重以庸廛疇憐舞索艱危久告濡繩

况瘁著雍困敦之久肅霜滌圃洪漲歸川人樂
年豐政閒農隙遂乃倡議重脩詢謀僉是推有
幹局者董其役於時匠鳩陶冶工聚婁般村堡
歡騰漢夷響應輸輓之丁萬計助捐之子多人
鏹鑿雲根十丈鞭龍鐘之石薙刊鐵木千尋取
風首之材撤舊更新剔頑鋤傲磴墩鼇負欄楯
鴻排鶴坊對峙於雙待魚脊分醜於兩檐應七
星而取象歷五月而成功爛如流電之舒光蜿

冕甯縣志卷十二

藝文

瀘沽橋記

二十四

若長虹之絢彩以眎鐵絙懸壁竹纜截江蹋水
之乘虛影戰連雲之蹈險魂搖渡尚聯舟可藉
攤糧之力名標駟馬曾資列郡之廉其險夷難
易或未可概語於斯也乎今者民大蘇會功載
經營工无竄庸財弗靡耗維宏斯壯既安且甯
持節乘軒之使騰篋擔負之倫曩怒石梁望洋
慄慄而愁隕茲馳砥道跨嶂欣欣而願來非尚
義者衆其孰能之工已葺適以公莅焉亮履登

登馬銜夏夏恬步堂筵之上安翔湍滂之間環
之側嶺橫峯帶以危樓遠閣遙睇闌闌俯瞰波
濤霞凝雲構跨碧落以橫飛雪歎雷旬駕蒼溟
而特起妥馮夷則無惶巨浸詔萍氏則利涉大
川上遵

令典之懿下慰輿情之望胡弗重也季夏之首執事
之人欲表歲時請書緣起蓋謂共成善舉宜勒
貞珉宣美譽於無窮勵徽行於有繼是用摛詞

冕甯縣志卷十二

藝文

濬沽橋記

二十五

鼠管者實龍賓敢謂除治道梁過客無譏於守
土所希常關沫若匡人更賴於賢侯

重脩梳妝臺秀暉橋記

書 綸

濬沽少左里許有崇岡突兀特起四方而削成
三面臨流樹木明湛參錯遠望之若行山陰道
中而覩其爭流競秀之狀若會蘭亭而茂林脩
竹之相映帶也相傳為鮑三娘梳妝臺攷之志
漢末鮑氏三娘勇力絕倫廉康賊欲娶之不屈

與康戰破之後關索來攻遂以城降同為漢室
討賊蓋婦人能知大義者也然未詳為何許人
今臺對岸有關索城故蹟或即邑人歟臺下有
橋飛跨水上年久頽朽不任往來邑民某某起
而新之請名於予因名之曰秀暉嘗過是橋而
登覽焉若鮮屈曲合流納白鹿水繞臺而會於
孫水匯為安甯河其奔騰澎湃四道五聚以橋
為口而吐納之則臺實為衆水主豈非諸水精

昆甯縣志卷十二

藝文

秀暉橋記

二十六

秀之氣融蘊蒼萃結為斯岡標千古奇麗之觀
乎今士大夫多稱浣花濯錦諸橋而不知蠻鄉
瘴土固有明秀暉麗若斯臺之橋者瀘沽四面
率崇山峻嶺依傍迴互而斯臺崛起特聳立於平
疇無所援附衆水且嚮往之自峽來者緣崖升
棧足疲目眩惡厭山之險也過峽而望平原迤
邐水石蕩漾歸然翠色曠如邈如村夫販豎之
度橋者皆暢然而喜怡然而駐其橋之左右出

曠綺錯秧稻青交眇然而深其橋之上雲日流
光竹榭倒影湛然而幽其橋距市差遠置塵不
到古廟清潔蒼松翠柏穆然而雅秋冬之際穢
蕩濁滌漸流活活若鳴玉珮擊編鐘於橋之下
春風夏雨煙暖霞凝若游湖亭於葦舟見彩霓
之飲水也是橋集水之秀並集山之秀而益助
臺之秀故以秀暉名之志橋卽志臺也雖然發
地而參天者豈無怪偉深遠之觀可志獨流連

免甯縣志卷十二

藝文

秀暉橋記

二十七

於斯臺何哉蓋予曾行川北周覽諸山惟五丁
峽魁梧之間有幽秀之致劍門戟矛森豎雄秀
獨出其餘形勢非不高大而箐深路狹谿壑多
原隰少孰若斯臺位於平曠之地勢不及數十
丈而秀異軼於羣峯之外顧以培塿忽之可無
異歟夫大山無名者多矣斯岡乃盛傳其蹟今
又新其橋以標其秀麗不可不記也於是乎書

重脩萬甯橋記

卽孫水橋
在閭王編

書 綸

漢書云司馬相如定西南夷橋孫水以通邛笮
水經注孫水出臺登縣南志稱瀘沽峽兩山壁
立深百餘丈闊不盈尋孫水流其中淙淙有聲
今按孫水源出小相嶺流達瀘沽距嶺四十里
為閻王廟萬甯橋橫焉相傳為相如故跡與難
蜀父老梁孫原之言合縣橋之古莫是若矣然
余嘗疑相如伐山通道士卒孔多孫原微細厲
衣可涉大於孫者以什伯數不以橋而特橋此

冕甯縣志卷十二

藝文

孫水橋記

二十八

水且感稱道何也或曰當漢時夷路未通菁林
蒙密閻王廟未經剗鑿陡頓難畱足當盛漲非
橋不可渡就山取材因而橋焉宜矣今自小相
嶺螺旋而下累代開闢康莊四達而橫溪略約
踵相銜里相錯也至閻王廟東為關鍵夏秋之
交濁浪驚湍噴溢灌注建瓴下瀉若掣電轟雷
不可遏抑客商行旅安然掉臂而無恙者有橋
以濟其險也則信乎相如成橋有由而後之宰

斯土者宜留意也丙戌仲冬余蒞臺登過是橋
木腐欄傾雙坊皆頽敝按程至縣若興橋瀘沽
橋南河橋率不堪行慨然歎惜以為地方官之
責胡可略而不議已而南河瀘沽兩橋次第勸
脩遂與署貳尹龔旭亭君議重新是二處有言
從前當事多謂功大費鉅推讓俟後旭亭毅然
曰照顧任之擇誠實好義武生焦倫監生宋敬
脩董其役於是樂善共濟者咸欣喜捐資鄉民

冕甯縣志卷十二

藝文

孫水橋記

二十九

助挽運不三月與興橋先後告成以萬甯橋為
古遺跡請志於石余躍然曰是何成功之速也
世俗日談善事固惜重金飾梵刹作經壇所居
不過數僧所奉不過土木之偶曰我行善也及
見道途之險阻橋梁之地廢漠然無與於己事
有以脩舉勸者拂逆怒拒矣何其僨也今貳尹
與兩生諸向義者聞余之議能於人所畏避不
肯為者任為己事千挈千萬人於沸濤之中而

置之平地其善可勝計乎此一脩固約可支數年數年往來行人無有濡沒之虞橋之利也向疑相如橋孫水為過舉而今昭乎知所規為遠矣

脩文星橋記

在縣北平壩原名瓦橋橋

李昭

嘗考迎佛昇仙嘉名垂於往籍成梁除道王政著為常經波障鴨頭北固則千秋錫號石排雁齒兩川則萬里紀行蓋人功足補造化之窮即

冕甯縣志卷十二

藝文

文星橋記

三十

地勢可驗文風之盛焉縣北平壩地方列岫如屏芳疇似罽路雖殊於九達地實接乎五都其間溪水奔流楸厖夾岸向有長橋利涉傾圯多年每當秋夏雨霖波濤洶湧直雲垂而水立且石走而沙飛行人動魄驚心不禁望洋浩歎欲速者擊舟徑渡觸於石而濡首堪傷逞能者徒步直前掣於浪而粉身莫挽計數年之內沈溺者屢矣同人久擬脩橋無如工程艱鉅茲蒙

郡伯德公裕偕助金貲前任邑侯洪君瞻陞現
任邑侯蓋君星階同捐廉俸並示規模至經營
督理之勞則北山關把戎樊君印川實任之一
時遠近仁人爭襄義舉或施子散之米或助鄭
公之錢集狐腋以為裘爰鳩工而命匠甫流愛
河之泉布遂成苦海之金繩從此山澤既通行
見人文益盛原名曰瓦橋今更名曰文星麗錦
千章預織登科之記貞珉一片特書好善之名

卷十二

藝文

文星橋記

三十一

因於功歲之時援筆而為之記時咸豐壬子歲
五月哉生明

縣署小池記

書 綸

署右有小池長三丈餘深幾二尺高柳數株葉
垂垂蔭於池中願棄置久水涸而草茂其畱意
者又以地無酷暑靡所需於池不加脩植戊子
春公事多暇與友散步池傍慨其廢也於是翦
榛薙蕪闢而寬之引水注洩流鳴活活購鯉鯽

數百養於池時嫩篔簹勁蒲紅蓼諸雜花屬於池
畔製畫舫一椀柁篙槳牀橙畢具自春徂秋池
水瀾漪青翠交蔭影沁殼鱖游魚出沒萍藻間
碧鳥文禽飛鳴上下退食登舟憑欄矚目遠攸
山光近濯塵纓宜朝宜暮宜雨宜晴洵足樂也
曩在省邸當盛夏思近水檻而不可得有開方
塘於園避暑者咸詫為勝境名區買者價什倍
主之者大增氣色然多待雨集而盈求其天然

冕甯縣志卷十二

藝文

縣署小池記

三十二

猶蓄慙四時而不竭浸田畦而有餘者其地罕
矣使置是池於錦城蓉水之間則有力者將爭
出重金謀為己有而游是池者且爭往雷連以
為花潭濤井之不啻也而今乃抑棄於瘴鄉蠻
土使有濟用之水擯焉欲絕其流而未嘗一畱
意焉豈其用之果不足歟抑所處之地異歟昔
浣花溪得子美而名始彰瑞蓮池因子瞻而地
愈異是池也俗子鄙之久矣而余與友物色得

之詠焉遊焉不終棄置而無所見蓋信乎遇合
有時惡知廢於前者不大興於後也於是酌於
池上而作歌曰

池之水有原有委池之清鑑物而明池之流澄
澈於冬春而感於夏秋池之利溉田萬頃而若
無所事謂池之小兮小而可以浮舟涵雲煙而
瀉星漢兮疇乎滓之弗留彈七絃而酌三雅兮
邀良友以遨遊無炎歊之蒸溽兮無塵土之撲

冕甯縣志卷十二

藝文

縣署小池記

三十三

投稱意往來兮極清幽孰嗤俗吏兮仙之儔相
吾池之氣脈兮通乎瀛洲

古安樂泉記

王至權

泉之源出於署之後山冕山居人百數十家咸
資挹注焉山右胡廷璋太守前任斯土因以安
樂名鐫於木而額之壁中憶太守愛民厚俗之
深心不已流露於一名間耶歲甲申季夏權授
茲土見園垣頽敗木額腐朽故復書之而勒以

石庶幾可垂永久而太守命名之深意不就湮
沒後之在斯土者亦可顧名思義而有以自勵
也夫

跋

瑞穀亭額跋

洪瞻陛

闕署東廢園添構小亭亭成值歲大熟農氏爭
以一莖兩穗三穗之禾登堂獻瑞咸稱為向來
所未有者因即題以誌喜時咸豐元年七月既

吳甯縣志卷十二

藝文

安樂泉記 瑞穀亭跋

三十四

望

稟

稟覆雀兒窩地方不宜開金廠由

咸豐四年秋

宋恒山

敬稟者竊照越舊廳舉人戴維城前赴

憲轅稟請在吳縣雀兒窩地方採辦金廠一案當
將大概情形稟呈

憲鑒旋據卑縣漢夷人等公具懇呈內稱越舊廳

舉人戴維城前在鹽源凹里地方開採金廠共費數千餘工並未輸金鑿課嗣後沙丁勾結滇匪聚眾滋事鹽民深受其累蒙 府祖捐廉萬金籌備兵餉親往剿辦始就蕩平近聞戴舉人在縣屬雀兒窩地方招丁開採竊思雀兒窩礦苗並非豐旺不及凹里遠甚彼處尚且停止此處定無出息誠恐徒費工本不能輸納廠課倘或停採之後沙丁聚而不散滋生事端暗竊明

冕甯縣志卷十二

藝文

稟稿

三十五

劫在所不免甚至釀成巨案動眾興師夫馬往來更難支應惟有仰懇停止保全地方戴德不朽伏乞等情復准署鹽源縣周令移稱去歲越嵩廳舉人戴維城呈請

督憲開辦凹里金廠委員候補州王來境勘辦共費二千餘工僅獲生金四兩當經停止所有卷宗委員帶回銷差等由卑職隨查來移文內有當經停止一語是凹里金廠並未辦有成效

則該舉人稟內附載規條全不足信至稱畱辦官房卡哨雇覓匠役約束沙丁等詞更屬虛捏與鹽源移文大不相同是其人之狡詐已可想見且查該舉人前呈

藩憲一案曾言期於軍需有裨於地方無礙夫既曰有裨又曰無礙何以甫經月餘即行停止想委員往勘時必有見於漢夷襟處易滋事端空費帑金得不償失是以遠慮深謀不敢輕舉

冕甯縣志卷十二

藝文

稟稿

二十六

後果禍患生於不測課稅托諸空談真所謂非徒無益而又害之矣罪坐所由該舉人能辭其咎乎不但此也其呈稟

憲轅又有雀兒窩地方銅鉛金礦錯出之語不知該處不少居民如果礦苗透露附近之人早已趨之若鶩呈請開採矣豈肯畱以待遠方之人乎抑豈該舉人別具隻眼能明察於百丈之下見人之所不及見乎其稱礦苗豐旺也特捕風

捉影之談耳書曰民為邦本傳曰財者末也是
民之重於財也審矣該舉人輒曰為國理財今
之要務是說似屬可取然觀其辦理凹里金廠
也呈請

督憲棟委賢員往返四千餘里沿途夫馬無算
住居數十餘日公館供應無算開通道路雇覓
匠役一切花費又無算聚萬姓之脂膏以供一
廠之用意必握算持籌報効甚巨及問其鑿課

冕甯縣志卷十二

藝文

稟稿

三十一

何如則曰分釐無有也問其所獲則止生金四
兩也尚得謂之理財哉直擾民而已矣因思欲
求富國必先保民未有民遭荼毒而國猶能自
擁其富者當此粵匪未靖人心惶惶司民牧者
惟期杜絕外匪保乂斯民是為要務至於開廠
抽課有應為之處有不應為之處 卑職謹就冕
邑時勢情形歷陳開廠之弊查雀兒窩地方背
接涼山下連糧田一旦招丁開廠野夷乘隙滋

擾小民何以安堵此其不可開者一也卑縣居
民俱稱沙丁為金匪緣若輩聚廠非借貸油米
卽劫掠資財無所不為良善不堪其擾以不可
必之課累不可下之民殊為非計此其不可開
者二也現值多事之秋屢奉

憲檄查拏奸細金廠為藏奸之藪設有外匪隱匿
勾結生變禍將有不可勝言者此其不可開者
三也今春鹽源匪徒滋事渠魁已就顯誅餘孽

昆甸縣志卷十二

藝文

稟稿

二十八

尚恐未盡卑縣近與毗連前此設法堵拏猶恐
潛蹤而至一旦開廠招募安保裹足不前是又
引賊入室自貽伊戚此其不可開者四也卑職
有地方之責不敢草率從事是以核閱漢夷公
狀參酌鹽源移文謹就管見所及錄呈
鈞鑒是否有當伏乞

憲臺批示飭遵為此具稟須至稟者

八月初五日奉

府憲德批

據稟移查鹽邑凹里金廠辦無成效當經停止
並稱該縣漢夷人等慮及徒費工本滋事受累
赴縣公呈緣由已悉查該縣雀兒窩地方如果
礦苗豐旺附近漢夷自必見利爭趨不待該舉
人戴維城具稟始行開採今該舉人稟請開廠
漢夷不但不附和其說而且預恐受累其為有
損無益毫無疑義羣情若此自不能據該舉人

冕甯縣志卷十二

藝文

稟稿

三十九

一人之見為是輕舉妄動况該舉人前次請開
凹里金廠勞而無功得不償失已有明徵此時
豈可再行輕信復蹈覆轍且開廠沙丁雲集防
範稍疏卽滋事端兼之鄰氣不靖更難保無奸
匪混迹其間該縣體察輿情揆時度勢慮陳不
可開之故具見辦事細心所有該舉人請在該
縣開廠之處應毋庸議倘該舉人現在開挖卽
行查禁毋延此繳

詩

瀘沽峽

漢軍進士 知縣 書 綸 頌 農

兩山如渴龍共來飲於澗蜿蜒奮鬣峭矗孰
能嫚自古荒裔區高標阻鴻雁建炎事邛笮萬
天荷鋤鑿豁達蠻天開屈曲連梯棧孫水自天
落激波響珠串石奔身屢欹雲駐日千幻仰窺
日車側俯驚坤維綻僕夫怨崖危思欲樹籬柵
焉知造物異發地擘雙瓣邇來余嗜奇歷險已

冕甯縣志卷十二

藝文

五古

四十

習慣相嶺視康莊瀘峽增顧盼披蘿造幽頂緣
源下斷岸卻望莽蒼蒼層螺聳疑州

于役瀘沽與同門王容府貳尹夜談成評即以

奉贈

積雨喜新晴秋光溢林壑于役古瀘縣胸襟頗
恢拓况對知心人琴音靜逾樂促膝茗盞冷傾
談燈花落容府吾同門
吳敦甫先生余座師容府師也聞之彭
問鶴
問鶴余同年前知縣事與容府相得有書寄余如下句是肝膽照人青

矯矯別風格雙松事哦咏一泉常烹酌敢曰丞
負余庶免俗吏囂昨冬間關裏蘭舟快聚託今
春風雪中草店久盤礴近雖數日別遙覺三秋
闊相逢方莞然相語仍澹若漫生尊鱸興已受
羈塵縛出山曾幾時獻嘲到鷓雀斂鋒求今是
逐趨悟前錯豈必分越燕蘭味契非薄勗余青
雲志玩此黃花萼詰旦是重陽相期陟崇嶸過
眼看雲飛會心達魚躍俯仰天地寬長笑動江

冕甯縣志卷十二

藝文

五古

四十一

郭

送冕山貳尹王容府同門委管綏靖屯務之任
東西嶺上雲類合作霖雨出處本同氣相逢水
融乳與子偕業舟刺篙復搖鱗方期策鼇背果
見振鴻羽卧轍黎老咨迎輿番童舞懸知理屯
政報最指先數而余滯雙鳧未遑出郊祖心將
碧流遠坐對青山撫迴思樽酒談孰契琴絃譜
秋風惜人別隨目渡前浦驪歌且莫催魚書望

常補努力凌丹霄慎勿厭寒苦

贈書明府

見山縣丞龔照旭亭

兩次走棠陰

鹽源鹽井兩次經行

頌聲聞四野景慕一何

深未得親風雅忽地捧檄來正是依廣廈快覩

錦繡辭

見送王贊府古風

陽春和自寡韓潮兼蘇海直

如湧泉瀉亟欲聆高論敢拜琴軒下咫尺隔關

河繾綣情難寫遙望碧雲天寄聲到使者

原韻酬權見山贊府龔

書 綸

冕甯縣志卷十二

藝文

五古

四十二

余本山中人抗塵到蠻野豈知孫印外同檝盡

高雅把臂挹青霄披豁忘壁廈快展新詩讀意

遠詞迺寡片雲相嶺飛疏樹瀘江瀉惜哉久棲

枳身立矮簷下耐職何需求逢時自陶寫頗慚

羈簿領未為知音者

書碩農先生以瀘沽夜談成韻古風一章惠贈

浣薇三復感知己之獨深銘版五中佩獎勉

之倍至爰成鄙句用志久要

冕山縣丞 王至權 容府
江蘇上元縣監生

暫晤旋又別思企增離索相聚得幾回交情重
岱岳昨歲始識荆欣喜蘭舟託玉山何朗朗形
穢慚糟粕深下涪翁拜佩君在蹇諤猥蒙國士
知謂我近渾噩因友而憶友追念彭問鶴問鶴
言雋永君論尤洒落我與二者師頗得三友樂
問鶴真堪羨不受羈塵縛感君千里才而今同
屈蠖治政權寬猛約身能淡泊歎我虎背騎收

冕甯縣志卷十二

藝文

五古

四十三

鐵難鑄錯菽水不能將雞肋徒落寞瀘寓竟夕
談淺斟復低酌肝膈既相孚評論亦相若捧讀
瓊瑤章音韻如管籥細繹規勉語良言等石藥
車笠定久要不比金可爍俯仰霜天高相期奮

秋鶚

打魚二首用少陵韻

書 綸

臺登若水顛頊津寒冬鏡澈沙堆銀金盤斫鱠
脩故事淘河百數爭窺鱗亂灘高坎噴白浪馮

夷鼓舞疑有神黃瓜小舸逞便利鳧鷖出沒輕
於塵打來素鬣形若刀匪鯁匪鯽稱名高蛟鯨
愕顧惜不得斂鬣石罅潛深逃鵜吞網取萬分
一大湫終髮增瑟瑟君看青郎赤驥日泳游豈
與漁者波頭較得失

江深水靜魚樂集漁人耽視徵求急肥魚既傷
瘦者泣獺鳥承風覓蹤入更有河泊健兒魚名恣
豪強奴婢羣魚尾常戢弗亟罟除投巨鑊鯤鯪

甯甯縣志卷十二

藝文

七古

四十四

噬盡奚生立賓從策騎江干來快揮霜刃供浮
杯削鱗剔刺堆白雪洶濤瞬息平奔雷獨不聞
賜刀鬣劍龍所怒記頭以印何神哉始知疏網
更難漏臨流感興生矜哀

打水圍 并序

浙江義烏縣舉人 知縣 陳初田 子農

冕甯南沙灣為衆流交匯之所潭深百尺產
細鱗魚民呼為官塘冬至後鯤鯪齊出乃請
官打魚名曰打水圍漁具畢陳船如梭駛并

縱鷓鴣數百洶水而控之頃刻得魚無算皆
獻之官然後聽民漁釣終歲而罷余愛其俗
頗有獻妍私縱之義作長歌紀之

水深不見底魚從何處懸山高不見路人從何
處緣忽驚賓僚冠蓋至羣蠻出洞魚出淵大魚
鹵莽不畏禍飛躍直上黃瓜船小魚戢戢竄且
伏從流上下空流連鷓鴣十萬齊奮勇蹋浪如
馬騰平川控到鱗鬣伸長頸各認其主頭昂然

冕甯縣志卷十二

藝文

七古

四十五

小魚吞之大魚吐終日枵腹誰惜憐借汝長項
觀我朶官租足額民垂涎更有巨物銜不動一
鳥退後羣鳥前漁網憑空攘奪去物力費盡人
貪天兩岸觀者叫快事蒐狩頃刻羅珍鮮借口
東津援為例自問卻愧荒遊畋人樂得魚魚不
樂試聽哀湍怒瀨今夜鳴濺濺

城南官塘觀水園

浙江舉人

知縣 洪瞻陛

雨辦

怒鷹結隊勇齊鼓拍翅爭入波心舞兩傍作氣

助呼聲號令嚴明集漁戶游鱗跳擲駭遁逃灘
危浪急龍門阻貪饕有種本天性利喙如鉤鐵
鑄距颯喉欲吞吞不得昂首沿流各覓主中有
巨鯉健且雄四面兜擒勝活虎黃瓜小艇何輕
便銜尾追隨不用艣纜看脫口避爪牙又覺翻
身落網罟窮搜直到潛蛟宮合圍猶擊鼉宮鼓
箸殘鬣敗血雨飛不令遺珠還合浦一年一度
供官租居然獻斫幽風古萬山深處試烹鮮活
潑銀腮出鼎俎攜樽快嚼會賓朋歡話樵夫雜
牧豎蒐苗雖亦乘農隙畢竟陳魚非講武收鞬
繫纜夕陽寒吹散腥風斂毛羽但知麋肉魚可
憐那識饑腸鷹更苦土風沿習成敝政韻事東
津怨老杜歸途笑指信天翁上流獨守蘆花渚

沙灣觀打魚歌

江西都昌人 徐灼 變廷

沙灣雨過風淒淒漁人負船如負犁擲船入水
水忽怒百十漁人爭蟻附板層撒網搖且奔船
頭各有漁鷹蹲持篙打鷹鷹盡起鷹喚鷹飛綠
波裏有時一鷹驅魚來羣鷹助力還相撞有時
數鷹攫魚噪一鷹突出走相告大魚避鷹鷹忽
徂鷹似噓鷹同追適小魚狎鷹鷹不屑鷹轉妒
鷹欲先得鷹飢鷹飽鷹當倦魚何畏鷹競逃竄

冕甯縣志卷十二

藝文

又平六

魚生魚死魚亦愁鷹豈與魚為寇讎漁人得魚
抱鷹坐官符叠叠催魚課漁人輸官違及私可
憐鷹魚皆無知君不見日晚漁人背船出更戴
魚鷹歸破屋

擬李太白蜀道難

吁嗟乎蜀道難難不在劍關而在黎雅印笮旄
牛間巉巖百折羊腸細瀘江畫斷不毛地大小

相公嶺高入虛無際牙戟列羣峯石齒何堅礪
西通衛藏南滇黔中有涼山境尤祕神工鬼斧
未能開寶光凝結金銀胎洪荒異物化不得蛇
虺蛟龍共巢窟狼羆逐隊猩猩啼野魅窺人出
復沒妖氛毒霧漫天黃密箐深林晝昏黑海邊
蛛腹大如輪射空冰雹自吐吞赤燄穿雲礮車
走仰見列缺霹靂怒挾邱巒奔山頭有雪積太
古陰谷陽春酷似暑咫尺判炎涼頃刻變晴雨

冕甯縣志卷十二

藝文

七古

四十七

剛風墮地千丈長并力呼號撼地柱崖翻水立
天動搖六鼇背裂馮夷舞萬家瓦屋散作塵沙
飛慘勝昆陽夜戰咸陽炬危橋木壞石無梯往
來虎穴更易迷行人日暮戒裹足但聞四山吹
角歸牧夷遠望蓬婆滴博相高低設官直到西
天西金沙環繞匯衆壑發源處處從天落東驅
萬馬赴瞿塘門戶鈎連應并絡銅鼓靜無聲蠻
花春寂寞章巖得失各一時卧龍以後無韜略

文翁教澤窮所施壁壘星連特鎖鑰頑巖疊嶂
終古難改移無心混沌畱此千奇百怪之險巖
吁嗟乎蜀道難難無比到此青天皆足底九州
空闊多坦途安能塵牘纏身久居此

過相嶺口占

王至權

久客情如醉登山興不堪雲封憑指點何處是
江南

內外八景詩

冕甯縣志卷十二

藝文

五絕

七絕

四十一

雪山開霽

雪山在縣東三十里上有積雪至夏不消每當開霽城中望之瑩潔可觀

福建侯官縣進士蔡以成韶九

曉來豁眼眺晴峯積素浮光雪尚濃信是年豐

消息早開窗而面玉芙蓉

風洞來薰

舊志謂風洞在縣西嘉順汛者非是如泥其說則邑中西風甚少東風南

風北風又將從何而至總之隨處有風並非指定一洞也

誰家巖洞劈生風陣陣喧聒耳通真箇太平

無一事披襟長快大王雄

長河月映

長河在縣東二里許中宵月皎雲影天光爽人心目

滔滔汨汨自東流朗月團圓在上頭如此清光

如此夕阿誰乘興再登樓

小海雲蒸

小海在縣城西北和尚沖曙色初開上蒸雲氣

扶桑初湧日重輪雲氣蒸浮曙色勻莫道此間

滄海小為霖曾慰四鄉人

泮池活水

學宮泮水引自小海水道隨時啓閉四時不竭

半畝滌河繞泮宮波流活活氣蔥蔥盈科因有

兗甯縣志卷十二

藝文

七絕

四十九

源頭水至理分明一鑑中

蕭寺寒燈

南山寺在城南五里佛龕燈火夜深明滅林表

北窗翦燭坐寒更山寺蒼茫近接城萬籟無譁

僧入定一龕佛火照前楹

神鐘遠聞

城中向有鼓樓懸鐘一口晨夕撞之聲聞三十里今樓與鐘俱燬○俗傳

明時夷匪猖獗焚燒鼓樓鐘裂一縫其聲如雷逆首頭痛皆遁去

樓鐘曾說靖邊巖樓燬鐘銷事寂寥

聖代卽今刁斗靜惟餘僧磬自朝朝

蟲樹蕃盈

樹形如桂枝葉蕃衍
故蟲作蠟利擬蠶桑

枝葉扶疏繞郭青
取材落實幻奇形
村莊未解蠶桑利
別訂神農種樹經

右內八景

相嶺畱題

相嶺關門外有石刻今
日山頭四字姓氏不傳

蔡以成

丞相征蠻勝蹟悠
到今四字勒山頭
編氓不記何年事
跬步猶傳漢武侯

光緒縣志卷十二

藝文 七絕

五十

仙橋古渡

冕山東北沙灣距縣治一百二
十里半山有石橋凌空突起

石江橫亘跨山腰
縹緲凌空入望遙
人已昇仙畱幻境
不勞司馬更題橋

響石韻幽

縣南三十里西山之麓有石高
七尺闊三尺餘扣之聲如雲板

懸巖壁立色蒼蒼
小叩聲清越以長
萬道流泉都不競
隔溪響送月昏黃

溫泉湯沐

古路橋側近有溫泉四
時可浴舊蓋有亭今圯

雲樹蕭疏透夕陽
溫泉出峽自流香
振衣好把

塵氛澣追步當年魯士狂

沙堆卜歲松林北二里倉口灘上沙積如糲歲豐則細沙平坦歲歉則粗石峻嶒可

收驗秋

溪灣層折水流沙蟲樹輕飛兩岸花倉口有靈

徵歲稔篝車不待祝汙邪

井汲為霖俗名水井坡在縣西五里歲旱禱雨汲井泉為淨水頗有應驗

出雲降雨本鴻濛井汲偏能奪化工非藉神龍

聽講力蒙泉解澤理交通

冕甯縣志卷十二

藝文

七絕

五十一

潭魚躍鏡梳妝臺在長若孫水交匯之處千章倒影一片涵空常有細鱗魚隨波衝

激遊目騁懷致足樂也

洋洋逐浪下城南在藻依蒲性所耽今日方知

濠上樂肯教漁網集澄潭

巖麝懷香縣西深山中有麝臍中有香為人所迎即自投高崖舉爪剔出其香就繫

猶拱四足惜其珍也

重岡複嶺久深藏過處能令百草香無怪奇珍

多護惜世逸物色幾精詳

右外八景

雪山開霽

邑歲貢陳鵬舉圖南

雪嶺撐天六月寒東南玉筍出林端斜陽反照
崑岡璞好向晴空月裏看

蕭寺寒燈

寒燈隱隱透疏林蕭寺煙嵐繞萬岑藉問山僧
何不夜玲瓏一點照天心

署左井泉余飲而甘之循實額名護以紅闌植

昂甯縣志卷十二

藝文

七絕

五十二

竹栽柳襯貼左右城中居民縱使汲焉乃系

以詩

書 綸

簇簇新篁曲曲闌一泓澄碧沁脾寒公餘欲洗
塵中眼自煮茶鐺倚樹看

飲罷甘泉志不更宰官風味說虞誠請將萬斛
清泠水徧解閭閻愁渴情

梳妝臺

松風謾謾水泠泠亂石危橋帶一亭問訊梳妝

人在否遠山依舊照眉青

按部宿熱即瓦

陝西寶雞縣舉人知縣何毓藻苦熱

亂石叢林路幾盤野田茅洞聚羣蠻山頭也似

人堆髻簇擁前途迓長官

秦谷由來不見春荒寒風景畫難真兩般新樣

不詩料石似羣羊樹似人

蒼蒼暗谷聽流泉雞犬聲來疑是仙猿徑不通

熊館閉滿文苔葉壓山田

冕甯縣志卷十二

藝文

七絕

五十三

日暮途窮喚奈何西風側耳聽番歌荒村野店

誰為主羨煞當年春夢婆

檉柵通紅照地鑪與臺得火競歡呼夜深人靜

谷風起虎豹聲多泉不孤

雪山當戶冷難支坐對孤檠撚凍髭浪說一塵

官不染膏燈終是下民脂

臺登秋雨書懷

典史楊聲鐸

郭外峯迴四面高雲低煙冪阻鴻翔抱關下吏

登樓客憶昔名場首屢搔

瘴霧迷離雨半酣
宦遊物色靜中參
秋風莫作
尊鱸想不是江南是建南

龍潭溝

邑文生陳九德浩然

仰望雲梯步步難
飛泉疊嶂出林端
天連相頂
千峯合地接龍潭
六月寒

白雲寺

白雲寺裏白雲封
水色晴搖寺外峯
幾座樓臺

冕甯縣志卷十二

藝文

七絕

五十四

深樹裏隔林敲落一聲鐘

土俗竹枝詞五首

嶺外平原別一天
冬青樹裏隱村煙
野夷出入
稱相識共說主人幾十年

蘇州壩

一語勸郎休作頑
家中騾馬半年閒
晴時不到
沙雞去直待雪堆咱耳山

婦女栽秧

鬢插山花巧樣妝
山歌徧野插青秧
田中濁浪權當鏡
笑影橫波水自狂
信巫教

堪歎么兒病太多
朝朝市鎮請醫婆
端公堂裏丟刀卦
先要贖魂後送魔

城隍廟叫魂

郎家許久染沈災
備辦三牲又納財
今日城隍殿上去
聲聲只喚阿郎回

冕甯縣志卷十二

藝文

七絕

五十五

小相嶺

康熙二十六年學政
陝西臨潼縣進士

周燦

丞相征蠻記名邀小嶺
存千巖盤地險一徑出

天門翠幙寒雲影
平蕪暗雪痕馬蹏愁日暮
燈火望前村

觀音巖

世界摩宮頂寰區
接室邊畫成一葉梵
瑞現幾千年日月燈
光照旃檀海氣連
化身孤白嶺漏色大紅天

觀音巖夜行

萬壑雷聲壯千巖水勢雄五更山吐白殘夜火
飛紅昨補天中月今生筆底風胸藏豪邁氣詩
裏鬼神通

甲申秋日過小相嶺和周學使原韻

烏魯博卿額

漢相經營地孤城此日存斷碑橫驛路老樹護
關門天末迴峯影山根極水痕晚風聞社鼓報

吳甯縣志卷十二

藝文

五律

五十六

賽徧江村

晚過峽口

兩巖雄虎踞一線聞蠶叢轉眼開生面躡身接
上穹懸流穿罅白返照入林紅城市遙相望千
家暮靄中

小相嶺道中

浙江山陰縣人

陸文傑敏齋

深澗湍流灌崇山亂樹色毒龍晴吐沫怪鳥晚
爭巢客舍牆堆石人家屋蓋茅黃塵新射得斜

挂角弓梢

冕山丞署八詠

從正聽堂

王至權

丞署依山結公堂亦壯觀常懷從正吉毋負顧
名難佐治慚無術臨民莫所安尤當知薄命莫
漫賤微官

邀月半舫

近水數椽屋偏宜得月先四圍山染黛幾樹柳

冕山縣志卷十二

藝文

五律

五十七

含煙忽憶吳江遠旋驚蜀月圓可憐鄉思起徹
夜不成眠

飲泉書屋

一水何清潔滌洄達署流雲籠山作帳泉湧屋
如舟詎有投錢報偏饒漱齒幽微官廉自勵蚓
飲復何求

古安樂泉

峻嶺何年鑿清泉曲折通精瑩堪我勵挹注與

民同豐樂懷歐子甘棠憶召公好將名泐義推
愛誌無窮

高閣聽水

百尺微官舍樓遲藉一枝環山深峽逼流水急
雨馳乍聽風來似微醒雨過疑頓教心不競須
念逝如斯

水榭觀魚

小閣臨池結嘉魚樂在蒲會心濠濮上得意水

昆甯縣志卷十二

藝文

五律

五十八

雲區且勵潛淵志徐當跋浪圖寄言垂釣者莫
使歎乾枯

奎樓晚眺

百尺樓孤立躩身一望中鷗翻秋水白鴉掠夕
陽紅梁稻嗟謀拙桑麻樂歲豐清閒無俗慮極
目羨飛鴻

義學書聲

聖朝宏作育庠序政維先入耳絃歌化紆懷祿俸捐

微風過柳院明月正霜天士子關風俗栽培企
後賢

甲申赴冕山丞任過相嶺題

百丈崇巖聳籃輿曲折盤居高雙眼豁望遠一
肩寬石激泉聲怒山圍日色寒鵬搏真可羨迴
首入雲端

丁亥季春奉調赴越舊管理查辦野夷兵糧過

小相嶺題壁

吳甯縣志卷十二

藝文

五律

五十九

竟日登臨瘁投樓暫息肩燈昏三鼓夜夢繞萬
山巔旅况憑誰訴雄心不自憐羊腸九折坂叱
馭懷家傳

觀打魚回邀飲卽事簡謝桂邨學博

書
綸

觀魚江郭返勝事記東津石岸飛輕騎霜刀斫
細鱗尊鱸秋興遠松鶴野情真
桂邨時登古稀
矍鑠如壯年
莫便辭家釀深杯累百巡

寒夜宿瀘沽峽

何毓藻

山勢逼簾外灘聲到枕邊膏殘燈未熄灰熟炭
長然有酒愁城破無家客思牽自憐同繭殼總
被亂絲纏

大雪過旄牛山

山在徽外迤邐數百里直冕甯
之西下多升金犀無賴之利數

也時有盜殺金夫
於道親往視之

我是白頭翁青山與我同鞭絲飛徼外髀肉老
與中慘目牛埋雪寒心虎嘯風仗戎何處覓懷

冕甯縣志卷十二

藝文

五律

六十

壁吊虞公

歸旄牛山之五日大雪過小相嶺

時樓委越為
審王千戶投

縲一
案

滕六又相逢多情謝化工惜將冰玉質混入簿
書叢峽仄猿聲聚山高馬力窮微軀何足道年
歲喜占豐

丙午春承乏冕邑兼理西昌自上元迄花朝詣
驗命案無虛日風餐露宿備極辛勞返署慮

囚常至夜分不能就榻感而賦此

倦羽幾時還飛飛過萬山送迎疲列戍推挽嘯
羣鸞暮宿佛龕下朝行尸柩間塵容兼俗狀難
覓一枝閒

蝸角爭何事鴻毛喪此身可憐藍面鬼常對白

頭人玉女魂難返時有少婦投縲一案金夫手不伸有懷金過

旄牛山者盜殺之並斷其手慚無琴解慍泣罪枉霑巾

不作含香吏甘為逐臭夫路憑蠅蚋導冤聽子

昆甯縣志卷十二

藝文

五律

六十一

孫呼掩鼻人三面薰心酒一壺蓋棺詳始定骸

髒赴泉墟

死者雖無憾求生不厭詳一人惟枉結連戶繫

銀鐺村犬時驚吠池魚並受殃爰書不易判操

筆夜焚香

小相嶺

雲南建水縣舉人

盧

曦竹村

古樹干霄立新花匝地開石邊幽鳥語衣上綠
雲堆竹影森如劍泉聲響似雷大風吹浩浩何

處著塵埃

宿冕山分署贈吳性菴

冷樹荒山裏停驂地主賢竹還三徑種友以五

人傳置酒邀新月觀魚飲古泉邀月舫觀魚檻古泉皆署中之

勝此間風景別小憩若登仙

瀘沽峽二首

陳九德

建屬稱雄鎮瀘沽第一關雙峯疑立壁兩岸欲

沈山鳥道懸巖畔茅蓬挂路灣潮頭歸足下日

冕甯縣志卷十二

藝文

五律

六十二

夜水潺潺

峭壁懸千仞雄巖壯建關峯連雲補壑岸斷水

分山石阻來溪曲江橫去路灣青林下鳥日

喚水潺潺

梳妝臺

高閣臨虛構宮門抱水開脈從千嶂落氣挾萬

山來雀噪僧歸寺鐘鳴月上臺書聲驚客夢丹

桂滿庭栽

城頭晚眺

五排

遠望峯巒列村居十里平山同夷漢處市雜焚
吳聲石阻水橫出巖懸樹倒生寒溪魚不瘦窄
地土多耕雪積三春白風搖萬壑驚漁樵來去
晚鳥道一孤城

冕甯畱別詩六首

洪瞻陛

十萬峯巒拱斗城訟庭事簡祇琴聲樸淳願挽
皇初俗疾苦虛求赤子情雷令纔行難遠被

治邑

冕甯縣志卷十二

藝文

七律

六十三

廣約八瓜期得代又長征一年飽飲源頭水猶

覺餘甘沁齒清

署東有古井為城內第一泉

火山開闢盡平疇陰谷農功苦晚收風雨應時

神降福倉箱倍數歲逢秋官租喜得籌齊唱

平常

倉穀舊虧千餘石今俱補足治譜慚無筆可脩瑞穀亭成花

繞砌烏鳧臨去暫畱

梯雲天遠路冥冥老守寒氊幾片青

陳明經鵬舉洪明經

畝學行兼優足為鄉人程式畢竟詞章宜就範漫言僻陋少

鍾靈河汾幸有文通座

同寅李朗如廣文品粹學醇工文善教

槐

市誰傳伯起經一事臨歧懷耿耿未看塔勢湧

南屏

城南觀音岩為邑城水口曾議建塔而未果

三種巢夷事牧耕聚居久作

聖人氓恒河派近參番佛孫水橋空訪漢營莫辨蓬

麻皆自直但平牙角便無爭安邊卽是安民策

化外休教野雉驚

四郊澤藪盡萑蒲狼虎潛蹤見坦途棘手不嫌

鬼市縣志卷十二

六十四

除害馬苦心惟怕聽悲鳥弊因久積窮搜剔民

最難欺是魯愚別愛市城存野趣豆籬蔬圃入

幽圖

籌量輕重定科條地到窮荒樂轉饒春樹垂青

分蠟種寶山暈綠長銅苗清釐牘尾忙還判健

抱詩情老未銷風月催人添別緒酒樽連日話

同僚

李朗如學博見和瑞穀亭詩疊韻奉贈

洪瞻陛

譚經五載占槐陰
風月偏宜冷處尋
足底三江游屐路
眼前千古論文心
暗香共愛官梅閣
別調來聽蜀綺琴
願借門庭桃李樹
補成郭外杏花林

西望庚星謫上清
君家詩酒記前盟
錦江久住鷗同伴
燕市回頭筑有聲
偶吐詞鋒驚客座
特開文教到邊城
近聞種菊脩三徑
遲我秋深采

冕甯縣志卷十二

藝文

七律

六十五

露莖時將奉檄赴省

白梅邨少尉邀同諸友餞別千佛寺席間賦此

洪瞻陛

纔拋塵牘眼虛空
暫作閒身訪梵宮
紅藥花殘春戀檻
黃楊樹古蓋擎風
衆生難說圓通法
野衲能談苦寂功
千佛無心同一笑
禪牀話別覺
息息

歲暮乞假待新任

貴州普定監生 典史 李涵元 固之

只為危期早及瓜願辭六詔適三巴東流若水
鷗盟遠北鄉歸雲雁信賒索句頻呵青鏤管幽
情靜對碧窗紗閉門不掃庭前雪官舍疑同隱
士家

勉臺登書院諸生兼以畱別

盧曦

自慚薄殖擁臯比臨別還應鄭重期樂道儘堪
希往哲安貧也是報清時學防一字無來處行
記三人有我師見說文章華

冕甯縣志卷十二

藝文

七律

六十六

國好致身須到

鳳凰池

心齋砥礪是廉隅立志應防觚不觚豈謂北方
無俊士要知西蜀有真儒子雲奇字堪繩尺司
馬鴻文盡楷模閉戶造車出門合休令矯枉誤
歧途

驪駒歌罷減新歡戲馬臺前日色寒方愧夏絃
虛絳帳偏驚秋色上征鞍滿城風雨登高近千

里關山後會難惆悵商飈增客思飛鴻嘹唳碧
雲端

壯年書劍悔蹉跎此日登樓興若何諸子豈真
貧賤老不才只覺別離多庭前桃李新成蔭微
外雲煙等擲梭回首名山誰是主紅鱗六六寄
春波

梳妝臺卽事

陳九德

徧歷山巔復水涯梳妝臺畔景何賒濤聲恰向

昆甯縣志卷十二

藝文

七律

六十七

檐前落雁影常從閣外斜隔岸青松千萬樹傍
橋茅店兩三家陰晴不盡煙雲興指點漁人泛
釣槎

瀘沽晚眺

樓臺獨坐任風飄浪逐斜陽客影搖馬倦聲嘶
三岔路人歸醉過七星橋燈明兩岸疑漁火月
照空江似海潮詞客謳吟誰作侶西湖辜負此
良宵

路過瀘沽廢市感賦二首

江西都昌人

徐灼 燮廷

孫若交流處瀘沽古縣城通橋司馬檄鑿險臥
龍兵岸圻新分渡山荒舊列營撫夷殊不易豺
虎尚縱橫

賊害連番過籌邊偶駐留嶺雲生小象蠻雨望

旄牛 山名 石滑泉吞趾林低葉打頭所嗟民食

盡蒿艾滿田疇

癸亥冬仲護送銅運宿青崗林 徐灼

冕甯縣志卷十二

藝文

五律

六十八

一路青崗樹林稀見小邨市房苔作幔蠻堡石
為門鼓急馳飛騎橋歌驗廢屯謁來戎伏莽難

共治時論

檢點邊民册西番更裸糶數錢分客哨吹角唱
夷歌雉兔冬歸市羊牛晚下坡羈縻誰得計終
愧戒心多

雪擁邛關路雲埋孟獲城往來空設險搗縱昔
連兵地惡豺狼富林寒鳥雀驚微官困荒徼萬

感一時生

越雋新奪饗

十月內劫去營餉數千
故客販改由斯徑出入

此地豈康

莊利重人爭赴山深盜易藏崩崖泉結凍密箐

草飛霜為語貿遷者謀生合有方

冕甯縣志卷十二

藝文

六十九

新修先農祠記

江蘇武進縣人季壽昌康侯

國朝崇德報功聿修祀典

詔各直省府州縣衛行耕藉禮並題藉田壇位之規至詳至備冕邑先農壇舊於城外東南八里許擇膏壤四畝零命農勉作歲納稻穀以供祭祀之需壇制高下如式每當春祈秋報頌恩文之德念率育之功固已嘉祥疊應上瑞頻書矣惟日久荒蕪櫺楹不備非惟無以妥神居有司冠

冕甯縣志卷十二

藝文先農祠記

五中十九

裳矣正草莽委之亦非所以昭誠敬也予庚午奉檄權冕下車伊始適有事於耕藉遂躬詣率作畢見壇側基宇宏敞宜另構廟廊以為藏主之所且祀期車蓋遙臨於此更冠服焉蔽風雨焉藉休息焉拓而修之烏可緩哉查前任軍需項內尚餘錢壹百釧零予恐不敷用另捐錢壹百千擇日規度地勢鳩工片材遴委公正紳董經理創構正殿三楹周圍壇位復加修築由是

妥先農神牌位於殿中而社稷山川各神位附
焉配房仍選農人居守以勤灌溉以時灑掃庶
幾廟壇立而鬼神來格靈貺咸臻福我蒼黎歲
登豐稔豈不懿歟

時

同治庚午年六月

朔日

冕甯縣志卷十二 藝文先農祠記 六中十九

留別七律六首

廣東封川縣人 葉文珊洲

光陰荏苒到花朝，廿四番風慰寂寥。
鳥語頻催歸去好，花名休問老來嬌。
宦途回首偏多舛，世事驚心總未消。
辜負嶺南春色滿，故園遙望路迢迢。

為政由來戒虎苛，離筵翻恨唱驪歌。
漫教夏日令人畏，只覺春風育物多。
訟則終凶宜謹凜，謙能受益相觀摩。
四鄉黎庶期同勉，莫負予心一

冕甯縣志卷十二

續纂

藝文

七律

七

片婆

裁成花樣四番新，文字緣深憶舊因。

余經四考歲科童試

那得如心評月旦，莫堪回首困風塵。
籌邊十稔

聊藏拙考績三逢，不計貧

忝任斯土三逢大計

臺咏南山

滋感愧

邑中人士為余建長春臺於南山之陽殊深感愧

從無德化澤

斯民

滿城桃李正芳菲，話到臨歧淚暗揮。
舊雨重聯青已勝，春風一別綠初肥。
出山有志從吾好，入

世無才與俗違唱罷陽關三疊曲不勝惆悵故人稀

春歸柳下聽鶯鳴借得東風赴錦城美湖牛山增感慨秀環象嶺自崢嶸相期努力青雲步莫負初心白水盟此去重經九折坂花香一路馬蹄輕

紛紛酌水餞離筵欲去偏教意惘然琴鶴相隨憐此日桑麻共話記當年遲徊出畫經三宿蕭

冕甯縣志卷十二

續纂

藝文

七律

七十一

索行囊勝一肩為語攀轅諸父老共安耕讀樂

堯天

勦賊過相嶺感事 五古

知縣河南永城拔貢 呂輝 扉青

我本中原人不知天地濶家近孝王園樓望芒山月縱目何坦坦地曠只四達落日在大野直以為天末何虞大山川前列如茂樾今為戍邊吏日夜仗黃鉞距境跳烏蠻背嶺悉羌羯忍水不世情險山皆突兀水難舟楫通山難車馬越

深箐入巖道叱馭聲咄咄越嶺用橈索渡壑用
笊撥顛俱偶過之魂飛心如惛俯澗墨萬尋仰
天青一髮慨然重欹歔直入山嶺窟安知人世
問通衢說訥訥

同丁健亭永陞將軍石漱吾如棠刺史遊靈山

古寺五古

呂輝

久識向山路願積志莫償異境寫我心俗囂拌
我腸幾見春風來倏忽歲云減湘南將軍至飛

冕甯縣志卷十三

續纂

藝文

五古

七十二

旃平西獠良辰約良朋蠟屐著必倒清興一時
遙遊覽志須飽東林啟朝曦雜行踐石低泉壑
列前道松竹倒接麗人影糝花影寂寂還離離
環山四五里望中境最奇四面擁青山山坳疊
翠鬟閭苑居其上旁云大羅天赤棟遙飛來駐
馬敲禪關禪關何寂寞乱久僧盡去獨有曇雲
翁知我馬行處低頭笑相迎欲語仙風度問閱
幾滄桑遙指青松樹幽趣動我心探幽更入深

鳥鳴報節序人世無古今等閒索巖壑知味在
山林不解簪纓貴惟於道德欽掩息縱遊日斜
日上荒木薄言攬轡歸馬蹏相爭逐山靈聞之
喜反不詫聒瀆而我一腔塵心脾漸洗沐於馬
陟高閣焚香抽秘籙掃地旋烹茶刻燭膝又促
約我漱吾子閒為話世俗

署西小池七古

廳前碧池泥沮洳我來疏鑿除沈疴引得活活

冕甯縣志卷十二

續纂

藝文

七十三

流水來畜出鱖鱖生魚去兩岸桃花紅照人數
行楊柳白樓鶯此樂祇言官府知四野農民望
澤苦皇天不雨山原乾日日賽神空祝詛醉來
努力把轆轤灑徧芳田不收賦

晚過瀘沽峽

萬壑秋聲壯重巖暮色分行人話落日匹馬入
層雲戰鼓何堪聽啼鵓更厭聞是誰鑿天險空
憶岳將軍

冬夜追賊至施塢

策馬叩關路迢迢
磧石中雪山雲抹白
燭堡火搖紅
嗚咽幽泉凍淒其
板屋風站爲衝霧去
猶憶伏波功

小相嶺

丞相何年過山頭
古蹟存西風吹大野
落日壞雲屯
惟事營新壘何由報
至尊策勳誰第一
沙氣閭乾坤

冕甯縣志卷十三

續纂

藝文

七十四

冕署苦雨

夏來一雨到秋深
客思悽悽懶不禁
讀史三編

消白日

時新購史三編

吟詩一榻對清陰
烹玉沼

蓮中露漫撫蕉窗
燒後琴幾日日歸
歸未得淵明已負去來心

觀音巖

休說菩提夜有光
人生幾見渡慈航
萬重層疊滇雲遠
一綫遙通蜀道長
巨壑旬旬號怒浪
懸

崖陡峭挂斜陽傷心且漫催飛騎石磴如盤溜
莫當

過旄牛山

大筆鴻文湖長卿當年諭蜀此間行山中父老
風猶古林外煙雲雨乍晴鳥道險攀人脚健山
花高挂馬頭明長官擬賦無椽筆枉費兒童竹
馬迎

小相嶺七古

趙開圖

小相嶺何嶙峋蜿蜒百折峯巒奔走石如電沙
如雪無人到此不斷魂西望蠻煙雜楚雨南迷
滇霧和黔雲豺狼當道鬼夜哭古路無木惟荆
榛吁嗟乎蜀道之難難如此南陽卧龍何為耳

冬夜大風

冬風凜冽催苦寒撼山震谷來無端荒城古樹
凍欲折飛沙帶雪夜漫漫怒如軍中亂馬步吼
如大海迴波瀾戍鼓聲高不聞響貂裘冷透秋

衣單我正撫叅讀不輟窗紙一聲嚴劃裂捲
呼僕急閉門銀燭再燃旋復戒起著戎衣披佩
刀雄心殺賊何其豪大烹羔羊煮美酒地鑪火
滾選夜潮窮邊戍守盡天意掩塞不畏聲蕭蕭
為語冬風勿暴雪丹心壯士無時歇

冬日大雪

墨雲如墜陰復晴積日壓城何崢嶸忽訝何處
雪山崩河山一色排水晶鶯鶯凍蟄客止蕭但

覺浩浩雰雰天地寂然而無聲太虛之上徒引
嶺南峰巒環接北嶺衆云此境累歲無連旬不
分朝暮景變幻一氣轉鴻濛日色不照扶桑紅
恍惚羣仙走天上衣裳亂墜白芙蓉皎如瀚海
舞銀龍浩似玉京走香驄但見白雪連雲雲連
天天雲上下相撞春吁嗟哉天公何事獨奮激
變化端倪不可測我欲奮身飛上青天問消息
猶恐六丁攫取還阻隔

梳妝臺

即大笮縣漢末廢蜀志鮑三娘以城降関索處

古縣何人識名傳玉女鬟高臺對落日遺址問
青山黛抹峯千疊眉留月一彎蒼蒼松柏外流
水自潺湲

秋夜遊東山寺

筍輿不于逐人忙遙指東山引興長雨過乍聽
松子落月圓高折桂花香方塘繞戶明如鑑翠
嶂環城麗欲妝漫捲重帷上高閣霜風漸冷近

免甯縣志卷十二

續纂

藝文

七十七

重陽

竹枝詞三首

二月八日佛會

手捧香花立滿城神抬到處便相迎雙雙合掌
街前拜口唵彌陀佛一聲

漁戶

風滿長江雪滿天郎家爭渡打魚船灘頭網得
雙魚起喚我明朝賣路前

駝戶

北路西成路萬重阿郎運米去三冬來時要過
加冠頂雪冷風寒愁殺儂

臺登雜詠十首

直隸天津舉人知縣林駿元杏農

朝廷立教屬吾徒璞玉渾金乃丈夫自古文章華國
器端從此日礪廉隅課士

勸農會過杏花中策馬郊行十里紅四野桑麻
春社酒新詩難補入豳風勸農

冕甯縣志卷十二

續纂

藝文

七十八

舊有飛梁今已無行人病涉歎窮途橋成不日
雖捐俸自問何慚鄭大夫建橋

邑有流亡媿俸錢借用韋應物句窮民無告倍淒然捐

廉白揣殊難濟聊仿東西四福田養濟院

抱贖遙臨屍骨邊鴻離魚網實堪憐歸來細檢
爰書讀泣下沾襟亦枉然詣驗

國家厲禁掘金夫傳檄崎嶇敢畏途慚愧一身叢過
府清官沿路有人呼查嚴

相公高嶺達邛邽三載趨蹌往復回一道紅塵

飛百騎仙官傳自日邊來郊迎

一犁春雨望三農片念通誠奪化工志喜名亭

追往迹文章吏績媿坡翁喜雨

船網交加競打圍薄言觀者坐忘機漁人飽載

官租上那識魚鷹尚苦飢打水圍

志經殘缺我初來補輯偏多費翦裁勉力權為

觀覽備可憐終少稊書才修志

冕甯縣志卷十二

續纂

藝文

七十九

冕山詠懷

縣丞嚴柄次崖江西人

臺登佐治亦何難地瘠差繁繫此官送往迎來

多棘手自公退食每忘餐

蠻夷自古難為撫况屬巖疆又瘠區策建攻心

思吕凱安邊籌畫預分符

梳妝臺吊古

湖南典史彭壽椿雪鷗祁陽人

香名豔說鮑三娘猶見豐碑紀載詳臺址已為

蘭若殿森森古木鎖紅牆

傾城佳話未湮埋恰是花朝吊古來冷翠零膏
無覓處雙江空自繞高臺
中惘偏能識俊豪丹心降漢姓名標而今關索
城闈渺滿目荒涼歎黍苗
遊罷風光日已遲林皋一抹晚煙炊芳跡但得
留身後荒草寒原不敢悲